

Kristo alinena kama kuhani,

Ee Yerusalemu, Yerusalemu, uwauaye manabii, na kuwapiga kwa mawe wale waliotumwa kwako! Ni mara ngapi nimetaka kuwakusanya pamoja watoto wako, kama vile kuku avikusanyavyo pamoja vifaranga vyake chini ya mabawa yake, lakini hamkutaka! Mathayo 23:37

Kristo alinena hayo kama hakimu kwa wale waliokuwa mbele Yake. Sauti Yake, ambayo mara nyingi ilikuwa ikisikika kwa upole na kusihi, sasa ilikuwa ilisikika ikikemea na kuhukumu. Wasikilizaji Wake walitetemeka sana. Mvuto uliosababishwa na maneno Yake na ule wa mwonekano Wake usingeweza kufutika kamwe.

Hasira ya Kristo hasa ilielekezwa kwa unafiki, dhambi za wazi zinazotendwa na watu wakijiharibu wenyewe, na kuwadanganya wengine na kumdharau Mungu. Katika fikra za udanganyifu za makuhani na wakuu Aliona wakala wa Shetani akiwa kazini. Makemeo Yake juu ya dhambi yalikuwa makali na yanayouchunguza moyo; lakini hakunena maneno ya kulipiza kisasi. Alikuwa na ghadhabu takatifu dhidi ya mkuu wa giza; lakini hakudhihirisha hasira yoyote yenye harara. Hivyo na kwa Wakristo ambao wanaishi sawa sawa na mapenzi ya Mungu, wakiwa na sifa nzuri ya upendo na rehema, watahisi hasira ya haki dhidi ya dhambi; lakini hawatachochewa na mihemko ya kuwachukia wale wanaowachukia. Hata katika kukabiliana na wale ambao kwa nguvu za giza wanaendelea kushikilia uongo, katika Kristo ataendelea kuwa na utulivu na kujidhibiti.

Huruma ya kimbingu ilionekana usoni pa Mwana wa Mungu, alipolitazama mara moja hekalu na kisha wasikilizaji Wake. Kwa sauti iliyojawa na huzuni na majonzi mazito alitamka, “Ee Yerusalemu, Yerusalemu, uwauaye manabii, na kuwapiga kwa mawe wale waliotumwa kwako! Ni mara ngapi nimetaka kuwakusanya pamoja watoto wako, kama vile kuku avikusanyavyo pamoja vifaranga vyake chini ya mabawa yake, lakini hamkutaka.” Hili ni pambano la utengano. Katika maombolezo ya Kristo, moyo wa Mungu mwenyewe ndio unamiminika...

Mafarisayo na Masadukayo walinyamazishwa kimya. Yesu aliwakusanya wanafunzi Wake wakatoka hekaluni, akiwa siyo kama mtu aliyeshindwa, bali kama ambaye ametimiza kazi Yake. Aliondoka akiwa mshindi kutoka katika pambano.

Vito vya ukweli uliotoka katika midomo ya Kristo katika siku hiyo yenye mambo mengi vilithaminiwa na kuhifadhiwa katika mioyo ya wengi. Kwao mawazo mapya yalichipuka na historia mpya ikaanza. Baada ya kusulubishwa na kufufuka, watu hawa walijitokeza mbele na kutimiza agizo walilopewa na Mungu kwa hekima na bidi iliyolingana na ukubwa wa kazi. Walibeba ujumbe ambao ulivutia mioyo ya wanadamu, ukidhoofisha ushirikina ambao kwa muda mrefu ulihafifisha maisha ya maelfu. Mbele ya ushuhuda wao dhana na falsafa za wanadamu zilikuwa hadithi za kubuni. Kulikuwa na matokeo makubwa yaliyotokana na maneno ya Mwokozi kwa kundi hilo lililokuwa limetekewa katika hekalu la Yerusalemu.

(Tumaini la Vizazi Vyote uk. 2, 228-229).